

歷世真仙體道通鑑續編卷之四 羽

淳雲山聖壽萬年宮道士趙道高修

薩守堅

薩真人名守堅南華人也一云西河人自稱汾陽薩客少有濟人利物之心嘗學醫誤用藥殺人遂棄醫聞江南三十代天師虛靜先生及林王二侍宸道法之高欲求學法出蜀至陝行囊已盡方坐石間忽見三道人來薩問此去信州遠近道人問所欲薩云欲訪虛靜天師參學道法道人曰天師羽化矣薩方悵恨一道人云今天師道法亦高吾與之有舊嘗為作字可往訪之吾有一法相授日間可以自給遂授以呪囊之術曰呪一囊可取七文一日但呪十囊得七十文則有一日之資矣一道人云吾亦有一法相授與之授扇一柄曰有病者則搨之即愈一道人云吾亦有一法相授乃雷法也薩拜而受之用之皆驗一日凡呪百餘囊止取七十文為日用餘者復以濟貧及到信州見天師投信舉家慟哭乃三十代天師親筆也信中言吾與林侍

宸王侍宸遇薩某各以一法授之矣可授以未盡之文薩由是道法大顯嘗寓某處城隍廟數日太守夢城隍告之曰薩先生數日寓此令我起處不安幸為我善遣之太守至廟連薩使去薩行數十里遇人昇豕往廟酬願薩以少香附之曰去酬願畢為置爐焚之其人如誠迅雷一聲火焚其廟更不延燒民居越三年薩至某渡無標舟者舉篙自渡置三文錢於舟中以償渡金因掬水洗手見一人鐵冠紅袍手執玉斧立於水中薩訶之曰汝乃何人速見形其人立於側曰我王善即某州城隍也昨真官焚我廟我家三百餘口無依我實無罪訴于上帝帝賜玉斧令我相隨遇真官有犯天律令得便宜施行後奏我隨真官三年並無犯律者今日渡舟真官乃置錢舟中則真官無可報之時矣今願為部將奉行法旨薩曰更相從三年亦只如是薩遂奏玉帝權為部將每有行持報應若響雷者詩云道法於身不等閑畢竟修行徹心寒千年鐵樹開花易一日鄴都出世難又詩云言清

行濁休談道不顧天條法謾行但依本分安神氣何慮仙都不掛名真人得道後遊園中一日端坐而化

趙麻衣

趙麻衣不知何許人也唐僖宗時黃巢盜起麻衣避於終南山見道人數十居山間麻衣無所得食願為傭役由是有所遇而得道宋高宗建炎初始來遊青城山久之乃入成都玉局化以蓬條為屋而居常服麻縷百結之衣人因號為麻衣形體如槁木而骨不露神采湛然晝出見凡草木之立者行擬之暮歸則撥橫於道人莫究其意亦不見其有所飲食也人有具酒茗邀之或不領或為留以飲餘者授人人飲之覺芬冽異常麻衣時時言及五代及本朝事疊疊有條理或窮詰之則於度上取團覺經示之曰盡在是矣達官貴人招之未嘗往也或云五代嘗為兵已而免去帖尚存平生黧黑一旦跌坐而化尺宅肢體潔白如玉然

劉居中

劉居中京師人少時隱於嵩山居山巔最深處曰控鶴庵初與兩人同處率一兩月輒下山覓糧登陟極艱苦往往躋攀萬萬窮日力而至兩人不堪其苦皆舍去獨劉居之自若凡二十年遭亂南來宋高宗紹興間嘗召入官賜沖靜處士後廬於豫章之東湖每為人言昔日事云嵩山峻極處有平地可為田者百畝別有小山巖岫之屬常時雲雨只在半山間大蛇蟻數百皆長三四尺人以食就手飼之撫摩其體膩如脂一日聚繞盤邊各就取水繞入口即吐出已圓結如彈丸積之于側俄頃間累累滿地忽震雷一聲起彈丸皆失去明日山下人來言昨正午雨雹大作乃知蛇蟻所為者此也又聞石壁間老人讀書聲逼而聽之寂然既退復爾其後石壁獲得異書甚多陰陽方技修真黃白之學無所不有既下山獨取其首尾全者數篇餘悉焚之又嘗聞異香滿室經日乃散不知所從來也劉生於神宗元豐七年甲子百餘歲矣不知所終

燕定

燕先生名定字天授涪州樂溫縣玉溪人深於易學隱青城大面山中得道宋高宗建炎初以經行召至揚州欲留之講筵不可拜通直郎直秘閣致仕今百數十餘歲巢居險絕人不能到而先生數年輒一出至山前人有見之者

姚平仲

隱青城大面山姚平仲字希晏宋欽宗靖康初在圍城中夜將死士攻敵營不利騎驃逸去高宗建炎初所在揭榜以觀察使召之竟不出孝宗淳熙甲午乙未間乃有人見之於青城山丈人觀道院年近九十髭鬚長委地喜作草書蓋已得成仙云

崔羽

先生姓崔名羽唐州人少隸京師班直休官樂道自號紫霞宋高宗紹興間遊羅浮已老矣初不自言其年朱顏方曠舉心林野性喜酒人具饌邀之飲則醉醉則歌然歌中所言休咎皆驗後居東莞數年一夕命道流說

劉浩然

于上清觀禮軍命的西室酬酢笑語若對客者人問之曰鍾呂陳三先生會于此既徹壽奄然端坐而逝縣人共迎置于紫霞亭焚之有蝴蝶徑尺自烈焰中騰空而去是日鄉人有識之者於榴花渡見其東歸蓋歸羅浮也

段璵

段璵字德琪袁州萬載人略知書天性淳謹未嘗忤物然遇不平事則奮臂而前宋高宗建炎間寇盜充斥段氏族屬四十口皆為所剽璵挺身持金帛往贖賊嘆其重義皆付之使歸紹興五年東南處處大旱斗米過千錢璵盡發宿藏止取常值又為粥以食饑者賴

活者不可勝計後忽感人事結庵於嚴田之山中壁間多書坦蕩二字一旦召會親舊與叙訣曰不久天帝召我不以為然經數日陞樓鳴鐘欻然凌雲而去鄉人走視所居惟弊衣履存眾欲以其事上於朝而邑官不樂者止之遂已

饒廷直

饒廷直字朝弼建昌南城人第進士蒙俊有氣節宋高宗紹興七年以事過武昌有所遇自是不過妻妾倫然端居如林下道人自作詩紀其事云丁巳中秋夜半偶遊黃鶴樓忽遇異人授以秘訣所恨尚牽世故未能從事於斯也因作詩以識之其辭曰黃鶴樓前秋月寒樓前江閣煙漫漫夜際雲散萬籟息獨對清影凭闌干一聲長嘯肅天宇知是猿霞御風侶多生曾結香火緣邂逅相逢竟相語儵然洗盡朝市忙直疑身在無何鄉迴看往事一破甌下視舉世俱亡羊嗟予局促猶軒冕知是虛教游未速他年有約願追隨共看蓬萊水清淺後二年歲在庚申朝廷復江南

以為鄧州通判金人叛盟鄧城陷死之後載其柩還鄉昇者覺甚輕然無敢發驗者人以為尸解仙去云

蘇庠

丹陽蘇養直名庠居後湖暮年徙泗州太湖馬迹山宋高宗紹興十四年甲子十一月病酒因卧所使村童徐行者持謁扣床曰有客稱江寧賢欲求見視其謁云惠州羅浮山水簾洞長生道人江觀潮兩畔各寫詩一句曰雷貫易逢日月短此中難過是長生蘇悅其語強起延之客曰羅浮黃真人黃真人晉太守華官八舉以君不欲世間聲利姓名已存山水原州言仙籍命我持丹投君蘇時年八十矣應之曰庠平生未識真人又形骸已壞何以丹為哉客曰此非五金八石之比蓋真人真氣所化也服之無嫌蘇視客衣服侈麗類貴游而言辭鄙俗無雜藉甚怒之莫速去曰雖然終不願得也老病缺於承迎當令兒曹奉陪客曰我專為君來君不欲丹當復持以歸但路絕遠願借一宿明旦晴即去不然須少留也

不獲已命館於松菊野時天久晴五更大雨作蘇憶昨日語頗悔空邀致具酒未及飲蘇曰丹可見否客喜便於腰間篋中取授蘇連云且延一紀藥但如豆大黃紫色亦不作凡劑客曰困馬則服之方可見効凡身有疾但敬想丹力所行至即愈餌此者當飛昇度世若情欲未畢故自延一紀壽壽終亦為仙官矣酒數行適既僕牽驢過前客曰此驢昔嘗為人叱令笑驢即笑又求青若生中鹽以飼之祝曰復而人去再叱令笑又笑坐此驢異又論蘇畫其人像蘇曰其狀何如曰一神仙中人服黃道束繫皂條著琴鞋持水晶數珠掛玉鍊於白帶當有過之於羅浮鐵橋懸崖雲霧間服佩正如此遂別去約五年復來求特君異於今日矣蘇以丹并刺字置笥中歲未盡五日忽大病至除氣絕家人以頂履不忍殮及明請子記前事發笥視之藥故在取投口中即能起酒然若無疾飲啗自如再令拾刺字并丹貼飲燒未飲之不復見後數日長子如京口以客言命圖黃像像成儼然

江君也始悟江即黃君云蘇雖髮如霜自足其半再黑初高宗建炎中喪右目腫子至此瞭然吳與陶安世聞其名往訪之得其所遺本末如此後二十年作書與鄉林向伯共云吾可中聞異音羅浮仙人期以數年相見應盡便盡餘不復較十二月往茅山別諸道友元日聚族歡飲達旦披衣曳杖出門曰黃真人至矣其行如馳婢僕驚奔僅能挽衣襟已立化未卒之前洪慶善嘗以書求其近詩答云頃得方士神藥奪命鬼手中服食以來識詩結字無復餘習慶善叙其詩文實載此語陶安世作記甚備焉

馮觀國

馮觀國邵武人幼敏悟讀書既冠意若有所厭即棄鄉里遊方外遇異人得導引內丹之法凡天文地理性命禍福之妙不學而精乃晦名氏自稱無町畦道人寓宜春二年挾術自養所言吉凶及陰陽變化靈驗或有請其醉飲狂怪者觀國不與較以詩謝云踏徧紅塵四百州幾多風月是良儔朝來應笑頭

施叟道不相伴風馬牛又述懷詩云落魄塵懷觸處然深藏妙用散神仙筆端間作龍蛇走壺裏長挑日月懸謾假人倫來混世只將酒盞度流年潛修行歸何處笑指瀛洲返洞天餘詩尚多皆脫塵離俗人亦多莫能曉也有瑞州上高縣麻塘李宣卿者一夕約束門僕黃卷曰明日要五更早起看門外有何動靜來報僕唯諾而去次早凌晨開門見門外苑上有一醉道人熟睡喚之不應遂通報宅堂宣卿尋令扶起請入書院少歇令左右供給盥漱畢即請相見問其姓名來自何方並不答但再索酒急進巨觥不計其數又告饑覓飯食愈不言飽時宣卿故妻唐氏新葬作庵已就而未有住庵者因領道人看庵道人即欣然肯住遂給米炭等送之入庵越三日往視則所給米炭略不曾動元送火種數塊亦如故問何故曰前日與已飽矣但夜寒覓紙衾復與之又一日入庵則見所與紙衾已裂為四以青莖縛於床四脚又問何故答曰寒從下上後因酒間忽作詩曰南北東

西總是家自知身命屬煙霞只因貪戀一盃酒誤却碧桃千樹花人雖見其詩不凡然時弄小術如今之撮藥者又常喜顛酒未免以等閑待之久之但聞姓馮故眾呼之曰馮顛道宣卿諸子一日入庵拜掃竟不見道人何在但見墳塋中霞光徧地舉頭望之只見道人坐于樹杪仰面向天吐氣而下尋即先燦或謂其能吸太陽精也住庵凡十八年多與宣卿諸子歡笑戲狎或出言無狀或就席顛倒矢溺不禁似此可厭者諸子頗惡之一夕有倡女佐樽諸子歡方樂道人突入席間少醉所為及亂席散諸子戲舉倡女所攜之婢配之鎖二人置樓上翼早啓視則無道人矣惟婢云鑰門之後滿樓之熱如火不容近其身夜半稍涼聞虛空樂作近五更棟間款款有聲言訖諸子就怪所為舉目視梁間則有字題其棟云水非溝壑龍方卧木是梧桐鳳始栖真道男兒無去路碧霄外有仙梯聖早元僕黃卷在袁州遇道人于市云夜來眾官人取笑太惡五更我已過此就寄聲云後

會要相見可來宜春臺下相探是日午時滿城闕傳臺下有道人坐化黃卷往視之即馮顯道也遂歸報其主宋高宗紹興三十二年三月十四日也先是道人遍往辭知舊且寄詩言別至日端坐作頌而逝頌云平生無町畦任真但落魄爛醉是生涯天地為棺槨其時儀真李觀民為袁州太守乃其舅氏方認得是其甥本姓馮名觀國年十八領薦往赴省後竟不歸於此方見遂命塑其身於城東之治平官宣御有子名德謙者往視之撫其

背云道人何不分曉一別而去忽迴頭相顧至今塑像猶左顧也其師王家道人其侶方七道人往來詩詞甚多

趙縮手

趙縮手者不知其名本普州士人也少年時父母與錢令買書于成都及半途有方外之遇遂棄家出遊至宋高宗紹興末蓋百餘歲矣喜來彭漢間行則縮兩手於胸前以是得名人延之食不以多寡輒盡飲酒自一杯至百杯皆不醉或終日不飲食亦怡然自樂嘗

於醉中言文潞公入蜀中歷歷有本末他日復詢之曰不知也黃仲秉家寫其真事之成都人房偉為贊云養氣近術談道近禪被褐懷玉其樂也天欲去即去欲住即住縮手袖間孰測其故趙見而笑曰養氣安得謂之術禪與道一也安有二我縮手於宵非袖間也取筆續曰似驢無背似牛無角文殊普賢摸索不著又自贊曰紅塵白雲堆裏好箇道人活計無事東行西行有時半醒半醉相逢大笑一場不是胡歌虜涕除非同道方知同道

世間有幾綿竹人表仲舉久病起過趙過門邀入飲以酒問曰吾疾狀如此先生將奈何趙不答但歌詞一闕云我有屋三間柱用八小週迴四壁海遮關萬象森羅為斗拱瓦蓋青天無漏得多年結就因緣修成功行滿三千降得火龍伏得虎陸地神仙云此呂洞賓所作也吾亦有一篇又歌曰損屋一間兒好與支持休教風雨等閑欺寬簡帶修安穩路莫道人知休更著便宜下手知特要知險裏却防危透得玄關歸去路方步雲梯歌罷滿

飲數杯無言而去仲秉正與僮行徐問其故曰觀吾詞意可見矣後旬日表死什邡縣風俗每以正月作衛真人生日道眾畢會趙亦住寓於居人謝氏先一夕告之曰住君家不為便假我此榻吾將有所之拂旦徑趨對門小寺得一室正榻跌坐傍人怪其不言就視已化矣會者數千人爭先來觀以香火致敬越三日火化其骨鈎懸如鑽子云

冠子隆

青城山相去三十里麻姑洞相傳云亦姑修真處也丈人觀道士冠子隆獨往瞻謁至中途遇村婦數輩自山中擔蘿而出施擔葦雲就道上清泉洗足洗菜見子隆至問尊師何往曰將謁麻姑一婦笑曰姑今日不在山無用去遂取蘿蔔一顆授子隆曰可食此子隆食之遂行竊自念曰彼皆村野愚婦豈識麻姑為何人得非戲我邪忽焉如悟迴首視之無所見矣自是神清氣全老無疾病每為人章醮自稱火部尚書壽過百歲宋孝宗隆興中羽化矣

趙縮手者不知其名本普州士人也少年時父母與錢令買書于成都及半途有方外之遇遂棄家出遊至宋高宗紹興末蓋百餘歲矣喜來彭漢間行則縮兩手於胸前以是得名人延之食不以多寡輒盡飲酒自一杯至百杯皆不醉或終日不飲食亦怡然自樂嘗

傳得一

師諱得一字寧道又字齊賢清江新陰人也
姓傅氏師之父某尤篤志道術借師之母盧
氏俱有隱操初聞邑之陽有護國劉仙師壇
觀多靈異間有仙隱於其山中心竊慕之遂

卜居於山之下宋徽宗政和五年乙未九月
哉生魄忽紅光遶舍鄰里驚而異之翌日而
師降誕未及月而舉動岐嶷有若髻亂年十
一失怙侍里人有嚴縣丞矜其少孤收育於
家是年師以生朝往拜劉仙師迴至半山見

茂林脩竹中有六道人圍棋飲於磐石之上
師欲就觀徘徊不得其徑而入忽一老者顧
而指示之乃得至石傍頃之老人贈以一楮
子厲聲謂曰酒不得飲師唯唯執楮子啣之
味苦澀不可食遂懷以歸行一里許乃擲于

道傍其家以師久不迴遣人尋索經宿乃得
之詢其所由師具以告其家與鄰里之好事
者異之競隨師登山令指示其所惟見荆棘
荒翳無復向時之境迴至所棄楮子之地則
既夕矣紅光燦然人謂寶藏發見爭前取之

光亦尋滅猶聞異香芬馥師曰早間道人與
我楮子尚在此復取而食味益苦遂擲之而
去自覺神氣清爽行步如飛遂能預知休咎
所居去邑十里師嘗一日十往返語言狂怪
歌笑自若或滿頭戴花或醉卧橋路人莫能

測市人有惡之者以毒酒推而溺諸縣橋之
下師隨流出沒二里許登岸復入市笑謂溺
之者曰何相戲之酷耶人始訝其異後屢試
之復然衆乃驚服稱爲傳仙時師年十八忽
起江湖之興被篋笠荷瓢囊徧走湖廣淮浙

間名山福地靡不游歷或孤栖巖谷或露宿
叢祠所至放誕不自檢束如在新陰時人皆
謂之狂生然言人之災福輒應士大夫益多
奇之張魏公浚留守建康召師與語即蒙殊
遇丞相史公浩嘗有詩贈師云試問此行何

所止烏有鄉中無住里醉時不覺醒時癡世
人誰識顛道士異時又贈之詩曰相識三十
年身歎心不顯有人還會得即是地行仙後
所贈益多初史越王未富國時與同省諸公
宴集師偶遇之衆中遽呼公曰傳道人獨許

你某年月日作相公他日幸無相忘後果如
期拜相師一日進府門即延之上座酌以酒
自是往來無間忽一日大醉既而入府遽以
泥足穿丞相履至作執板狀四顧懽呼公問
其所欲師云要鶴髮著公識其意諾之會楊

和正適來謁公遂薦之和正是夕夢一異人
來見翌日王招之見其儀狀儼如夢中王與
語大喜即贈以敕牒衣號副焉遂禮管轄祖
慶章爲師隸湖州武康縣常清觀觀王所建
也忽一日持其度牒詣和正曰野鶴孤雲狂

性復作不能坐受束縛請從此辭和正大笑
乃貽書觀中以師散人當處之以規矩之外
復月遺以醇酒居無何拂袖而去王遣蓋與
遺贖之物追路與之師一無所受遂徑還清
江時郡守嚴陵吳公聞師名久一見大悅舉

家待以師禮師不肯留乃強延以玉筍山承
天宮貳職非其好也未幾復請管轄閩皂山
崇真宮曾不春月大師朱公以玉隆萬壽宮
管轄招之已而顯謨沈公鎮豫章以漕使少
卿魯公實文任公移管轄鐵柱延真宮老宗

乾道九年癸巳晦庵朱文公為扁雲庵二大字及贈一絕句云到處逢人說傳顯相看知是幾生前直搗北斗傾天漢去作龍宮第二仙其後范石湖大參張公樞使諸賢題贈不可勝紀淳熙元年甲午史越王帥閩一日師遽呼徒弟葉永壽曰我欲福州見丞相次早遂行於時繪像求贊王在前師傍立竟諾所請書于三山郡齋留之數月因奏薦于德壽殿是年四月奉聖旨宣召師每自洪都至行在不三日可到三山距京將二千里師亦然躬詣內殿賜齋并銀絹物及御書寶扇一握靈寶大師度牒等是月十五日師上謝表師雖有此奇遇而略不動心未幾辭歸住延真凡二十載其臧否人物言必有中如龍圖韓公總江夏之師侍郎李公將江西之曹皆先期以告其預知多此類有自錢塘附師書至清江者亦三日而達師或一日應數家之供同時俱至人謂師得費長房縮地術子訓分形之術未知其果然否耶師性曠達不親世務雖屢與殊庭充位而已夜多不寐亦有時

默坐不出盡月雖猖狂妄行而志尚清寂出入公卿之門每以為善自愛勸誘其人亦以此敬之淳熙十五年戊申十一月二十二日呼其門人囑以後事命筆題頌曰平生膽氣清高抱道長樂逍遙天地陰陽反覆雲收霧捲丹霄頌竟擲筆而化享年七十有四凡度弟子門人以明年正月壬寅瘞劔于府東門之外朱砂岡會葬者千餘人謝觀復跋云初師之生人謂不孕而育其母亦自以為然嘗考之仙傳雖至人降世託跡同凡亦必假陰陽之氣三元育養以成茲有質之軀是故混元未誕先降日精於玄妙覆燬將生必夢白象於莫耶固未聞不妊而字者如其異人託化於世母不自覺答或有之所以老子八十年元君不覺其久莊公寤生姜氏疑非已產故師之處身應物皆非學門師承所得諒由是也嘗聞許確有詩云閻苑花前是醉鄉酒醜阿母九霞觴群仙指點嫌輕薄謫向人間作酒狂師殆其庶幾乎不然老仙何以切戒其飲正慮其狂態復作耳謝守灝昔與

之游甚密謹略述其大槩後之君子欲考其詳則有史越王之墓誌在云

張宗元

張宗元河北霸州人也入青城大面山中奉紫極積結茅取介有守居山五十年傍無給侍嘗與虎豹蛇虺雜居恬不為害宋孝宗淳熙十四年八月二十九日無疾而化

歷世真仙體道通德續編卷之四